

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Broj: 10/E-11-3686/26
Sarajevo, ~~09-07-2026~~ godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana Rješenjem Općinskog načelnika, broj: 10-45-150/26 od 06.03.2026. godine (u daljem tekstu: Komisija II), u postupku javne nabavke: Nabavka šatora i poljskih ležaja Jedinici za evakuaciju i snabdijevanje ugroženog stanovništva formirane pri Crvenom križu Centar, putem otvorenog postupka (Zapisnik o pregledu i ocjeni ponuda broj: 10/E-11-3686/26 od 03.07.2026. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „**FIRE TRADE**“ d.o.o. **Srebrenik**, ulica Meše Selimovića broj 10, 75350 Srebrenik, broj ponude: 22-06/26 od 22.06.2026. godine, za nabavku šatora i poljskih ležaja Jedinici za evakuaciju i snabdijevanje ugroženog stanovništva formirane pri Crvenom križu Centar, putem otvorenog postupka, po umanjenoj cijeni nakon provedene e-aukcije od 16.900,00 KM bez PDV-a, odnosno u ukupnom iznosu od 19.773,00 KM sa PDV-om.
- II.** Izabrani ponuđač je dužan da, u roku od **5 (pet) dana** od dana prijema ove Odluke, na protokol Ugovornog organa dostavi dokaze o ličnoj sposobnosti iz tačke 7.1. i 7.1.2. tenderske dokumentacije, u skladu sa članom 45. Zakona o javnim nabavkama, u formi **originala ili ovjerenih kopija**.
- III.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke šatora i poljskih ležaja Jedinici za evakuaciju i snabdijevanje ugroženog stanovništva formirane pri Crvenom križu Centar, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-3686/26 od 25.05.2026. godine.

Predmet nabavke nije podijeljen je na LOT-ove.

Ukupna procijenjena vrijednost javne nabavke iznosi 23.070,00 KM bez PDV-a.

Obavještenje o nabavci: 848-1-1-100-3-148/26 od 09.06.2026. godine, objavljeno je na Portalu javnih nabavki (www.ejn.gov.ba).

U krajnjem roku za predaju ponuda određen tenderskom dokumentacijom (30.06.2026. godine do 11:00 sati), na adresu Ugovornog organa primljena su dvije ponude ponuđača: 1. „FIRE TRADE“ d.o.o. Srebrenik i 2. „FINANC“ d.o.o. Mostar. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda.

Nakon što je utvrđena blagovremenost i urednost dostave, pročitana je cijena ponude, kako slijedi:

R/b	Ponuđač	Ukupno bez PDV-a (KM)	Popust	Ukupno sa popustom bez PDV-a (KM)
1.	„FIRE TRADE“ d.o.o. Srebrenik	23.070,00	/	23.070,00
2.	„FINANC“ d.o.o. Mostar	23.070,00	/	23.070,00

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu uslova i zahtjeva iz tenderske dokumentacije koji se odnose na kvalifikaciju ponuđača, Komisija II je, nakon izvršenog pregleda i analize dokumentacije, jednoglasno utvrdila da ponuđači ispunjavaju sve formalno-pravne, te tehničke i profesionalne uslove propisane tenderskom dokumentacijom.

Komisija II je izvršila i detaljnu računsku provjeru pristiglih ponuda u postupku javne nabavke pod nazivom: Nabavka šatora i poljskih ležaja Jedinici za evakuaciju i snabdijevanje ugroženog stanovništva formirane pri Crvenom križu Centar, te je konstatovala da su ponude računski ispravne i da su ukupne cijene ponuda sa PDV-om ispravno obračunate.

S obzirom na to da su predmetne ponude pripremljene u skladu sa zahtjevima ugovornog organa, Komisija II ih je ocijenila prihvatljivim u smislu člana 2. stav (1) tačka I) alineje 1. Zakona o javnim nabavkama.

U daljem toku postupka Komisija II je izvršila analizu i ocjenu dostavljenih prihvatljivih ponuda prema kriteriju za dodjelu ugovora „najniža cijena“, shodno članu 64. stav (1) tačka b) Zakona o javnim nabavkama.

R/b	Ponuđač	Ukupno sa popustom bez PDV-a (KM)
1.	„FIRE TRADE“ d.o.o. Srebrenik	23.070,00
	„FINANC“ d.o.o. Mostar	23.070,00

Tenderskom dokumentacijom predviđeno je provođenje e-aukcije, što je navedeno i u Obavještenju o nabavci broj 848-1-1-100-3-148/26. Komisija II jednoglasno utvrdila da su ispunjeni uslovi za zakazivanje e-aukcije u predmetnom postupku javne nabavke, prethodno ocijenivši da su ponuđači kvalifikovani, a dostavljene ponude formalno-pravno ispravne i prihvatljive.

E-aukcija je održana dana 03.07.2026. godine sa početkom u 10:00 sati. U periodu održavanja e-aukcije (od 10:00 do 10:56 sati) ponuđači su podnijeli ukupno 52 nove cijene, izmijenjene naniže u odnosu na početne cijene primljenih ponuda.

Sistem e-Nabavke je dostavio Izvještaj o toku i završetku e-aukcije, broj postupka 848-1-1-100/26 od 03.07.2026. godine na osnovu kojeg je izvršeno rangiranje ponuda.

Na temelju rangiranja, u skladu s kriterijem „najniža cijena“ i članom 64. stav (1), tačkom b) Zakona o javnim nabavkama i rezultatima provedene e-aukcije, Komisija II je utvrdila sljedeći poredak na rang-listi:

Rang	Ponudáč	Ukupno sa popustom bez PDV-a (KM)
1.	„FIRE TRADE“ d.o.o. Srebrenik	16.900,00
2.	„FINANC“ d.o.o. Mostar	17.000,00

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangirani ponudáč **„FIRE TRADE“ d.o.o. Srebrenik**, ulica Meše Selimovića broj 10, 75350 Srebrenik, broj ponude: 22-06/26 od 22.06.2026. godine, putem otvorenog postupka, po umanjenoj cijeni nakon provedene e-aukcije od 16.900,00 KM bez PDV-a, odnosno u ukupnom iznosu od 19.773,00 KM sa PDV-om, za nabavku šatora i poljskih ležaja Jedinici za evakuaciju i snabdijevanje ugroženog stanovništva formirane pri Crvenom križu Centar.

Sa izabranim ponudáčem će se zaključiti ugovor, kojim će se regulisati međusobna prava i obaveze ugovornih strana.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-3686/26 od 03.07.2026. godine



Dostaviti:

1. Ponudáču: „FIRE TRADE“ d.o.o. Srebrenik
ulica Meše Selimovića broj 10, 75350 Srebrenik
2. Ponudáču: „FINANC“ d.o.o. Mostar,
ulica Augusta Šenoe broj 16, 88000 Mostar
3. Službi za civilnu zaštitu
4. Kabinetu općinskog načelnika – Odsjeku za javne nabavke
5. Službi za finansije
6. U spis